

TS237.47/8191(10)

唐詩歸

二十九之三十二

十

THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY

SEP 26 1955

唐詩歸第二十九卷目錄

中唐五

戴叔倫

南野

過龍灣五王閣訪友人不遇

書情寄江夏賀蘭副端

韓愈

倚蘭操

殘形操

喜雨

潭州使院

女耕田行

拘幽操

剝啄行

別鵠操

秋懷詩

哈佛大學
圖書館
珍藏印



唐詩歸 卷二十九目錄

又

長安交遊者一首贈孟郊

韓題炭谷湫祠堂

夜歌

歸

柳宗元

南澗中題

田家

戲題石門長老東軒

又

出門

病鴟

送區弘南

記夢人不思

喜用

中夜起望西園值月上

又

又

裴度裴文書齋

李中書郎事

呂溫中書刺

宋孟冬蒲津關河亭作

歐陽家林亭

刺陝縣主簿知縣三年頗著廉慎秩滿縣闕

未使請留將赴衡州題其廳事

道州感興

姚合

裴宗元

送邢郎中赴太原

送張宗原

街西居

又

石潭

買太湖石留別送僧默然其瓢秋中夜坐

陳羽 灑上驚吟烈三平賦香氣與煙蕭蕭關

送殷華之洪州

春園卽事

朱長文 蕭華關西亭

首州春遊

呂望中 有懷

李觀 書波事

中味首請題公帳天

裴宿 裴友書齋

朱放 第二十九卷

剡谿行却寄新別者鍾

徐凝

中唐 江中對月

令狐楚

遠別離

孟簡

擬古

唐詩歸二十九卷目錄終

專精龍二十代卷目錄

送張九齡

孟簡大湖石

陳毅限辦

今賦裝

朱氏收

余英

李

朱效

唐詩歸第二十九卷

景陵 鍾然 惺伯敬 同選定

會衣

中唐五

戴叔倫

○南野

治田長山下 引流坦溪曲 東山有遺瑩 南野起

新築家世素業儒子孫鄙食祿鍾云五字說出

披雲朝出畊帶月夜歸讀身勤竟忘疲團團

欣在日野芳綠可採泉美清可掬茂樹延晚涼
早田候秋熟茶烹松火紅酒吸荷杯綠解佩臨
清池撫琴看修竹此懷誰與同此樂君所獨

○喜雨

閒居倦時燠開軒俯平林雷聲殷遙空雲氣布
層陰川上風雨來灑然滌煩襟田家共歡笑溝
澮亦已深團團聚隣曲斗酒相與斟樵歌野曲
中漁釣滄江潯蒼天曠有念悠悠終我心鍾云
二語

古澹之極不
免收其全篇

女耕田行

乳鷲入巢笋成竹誰家二女種新穀無人無牛
不及犁持刀砍地翻作泥自言家貧母年老長
兄從軍未娶嫂去年災疫牛囤空截絹買刀都
市中頭巾掩面畏人識以刀代牛誰與同姊妹
相攜心正苦不見路人惟見土疎通畦隴防亂
年整頓溝塍待時雨日正南岡下餉歸可憐朝
雉擾驚飛東隣西舍花發盡其惜餘芳淚滿衣
過龍灣五王閣訪友人不遇

野橋秋水落江閣。暝煙微白。日又欲午。高人猶未歸。青林依石塔。虛館靜柴扉。坐久思題字。翻憐柿葉稀。

○潭州使院書情寄江夏賀蘭副端

雲雨一瀟散。悠悠關復河。俱從汎舟役。近隔洞庭波。春水去不盡。秋風今又過。鍾云無限感慨。不露出一情字。

韓愈

鍾云唐文奇碎而退之春融志在挽回。

唐詩淹雅而退之艱與意專。出脫詩文。出一手。彼此猶不相襲。真持世特識也。至其樂府諷刺寄託深婉忠厚。真正風雅。讀倚蘭拘幽等篇可見。

○倚蘭操

孔子傷不逢作

蘭之猗猗。揚揚其香。不採而佩。於蘭何傷。鍾云有品

有識之言。即所謂草木。有本心。何求美人折也。今天之旋其曷為然。我

行四方。以日以年。雪霜貿貿。薺麥之茂。子如不

傷。我不爾覲。薺麥之茂。薺麥之有。君子之傷。君子之守。

鍾云聲氣在漢魏上。

○拘幽操

文王姜里作

目窈窈兮其凝其盲。耳肅肅兮聽不聞聲。朝不日出。今夜不見。月與星有知無知。今為死為生。嗚呼。臣罪當誅。今天王聖明。

譚云從容悲惋

○別鵠操

商陵穆子娶妻五年無子。父母令其改娶。其

妻聞之。中夜悲嘯。穆子感之而作。

雄鵠銜枝來。雌鵠啄泥歸。巢成不生子。

大義當乖離。譚云大義甚。江漢水之大。鵠身鳥之

微。鍾云二語合。更無相逢日。且可繞樹相隨飛。

○殘形操

曾子夢見一狸不見其首作

有獸維狸。今我夢得之。其身孔明。今而頭不知。

鍾云奇語。吉凶何為。今覺坐而思。巫咸上天。今識者其誰。

剝啄行

剝剝啄啄。有客至門。我不出門。客去而嗔。從者語我子。胡為然。我不厭客。困於語言。欲不出納。以堙其源。鍾云苦心。空堂幽幽。有積有莞。門以兩板。叢書於間。窅窅深塹。其墉甚完。彼寧可墮。此不可干。鍾云嚴甚。然亦無賴。從者語我。嗟子誠難。子雖云爾。其口益蕃。我為子謀。有萬其全。凡今之人。急名

與官。譚云探本之論。所謂子不引去。與為波瀾。

鍾云四。雖不開口。雖不開關。變化咀嚼。有鬼有神。今去不勇。其如後艱。我謝再拜。汝無復云。往

追不及。來不有年。

鍾云與程曉嘲熱客。皆實歷苦境。不得已而寫出。非一意絕俗嘲世之言。而此詩末一段真。有以自處。曉詩未暇及此。

秋懷詩

秋氣日惻惻。秋空日凌凌。上無枝上蜩。下無盤

中蠅豈不感時節耳。目去所憎。鍾云孤衷峭清性觸境吐出清
曉卷書坐南山見高稜。其下澄秋水。有蛟寒可
醫。惜哉不得往。豈謂吾無能。譚云直得妙

○又

離離掛空悲。感感抱虛警。露泫秋樹高。蟲弔寒
夜永。鍾云弔字得秋夜之神歛退就新懦。趨管悼前猛。歸

愚識夷塗。汲古得修綆。名浮猶有耻。味薄真自

幸。譚云聞道之言庶幾遺悔尤。卽此是幽屏。

○又

秋夜不可晨。秋日苦易暗。我無汲汲志。何以育

此憾。譚云說得可悲可笑。鍾云二語似自安。其實自悼。寒雞空在棲。缺

月煩屢瞰。譚云煩字妙有琴且徽絃。再鼓聽愈淡。古

聲久埋滅。無由見真濫。低心逐時趨。苦勉祇能

暫。鍾云高人實歷之苦有如乘風船。一縱不可纜。不如覩

文字。丹鉛事點勘。豈必求羸餘。所要石與甌。

○又

卷卷落地葉。隨風走前軒。鳴聲若有意。顛倒相
追奔。空堂黃昏暮。我坐默不言。童子自外至。吹

燈當我前。鍾云寫出幽涼難堪問我我不應。饋我我不餐。

退坐西壁下，讀詩盡數編。作者非今士，相去時

已千。其言有感觸，使我復悽酸。顧謂汝童子，置

書且安眠。丈夫屬有念，事業無窮年。

○長安交遊者一首贈孟郊

長安交遊者，貧富各有徒。親朋相過時，亦各有

以娛。陋室有文史，高門有笙竽。何能辨榮悴，且

欲分賢愚。鍾云嘲罵只須此二字。

○出門

長安百萬家，出門無所之。豈敢尚幽獨，與世實

參差。古人雖已死，書上有其辭。鍾云朴妙開卷

讀且想千載，若相期。出門各有道，我道方未夷。

且於此中息，天命不吾欺。譚云結得深至

○題炭谷湫祠堂

鍾云艱奧而帶靈氣

萬生都陽明，幽暗鬼所寰。嗟龍獨何智，出入人

鬼間。鍾云曾中無真正奇不知誰為助，若執造

化關。厭處平地水，巢居插天山。列峰若攢指，石

孟仰環環。巨靈高其捧。保此一掬。慳森沉固舍。蓄本以儲陰。奸魚鼈蒙擁護。羣嬉傲天頑。翻翻棲託禽。飛飛一何閒。祠堂像侔真。擢玉紆煙鬢。羣怪儼伺候。恩威在其顏。我來日正中。悚惕思先還。寄立尺寸地。敢言來途艱。吁無吹毛刃。血此牛蹄殷。至今乘水旱。鼓舞寡與鰥。林叢鎮冥冥。窮年無由刪。妍英雜豔實。星瑣黃朱班。石級皆險滑。顛躋莫牽攀。龍區雛衆碎。付與宿巴頰。棄去可奈何。吾其死茅菅。

○病鴟

鍾云與樂天大觜鳥同一痛快盡情而規調稍嚴然讀朱穆與劉伯宗絕交詩此二君不得不有世代升降之分矣屋東惡水溝有鴟墮鳴悲青泥揜兩翅拍拍不得離譚云寫羣童叫相召瓦礫爭先之計校生平事殺却理亦宜奪攘不愧耻飽滿盤天嬉晴日占光景高風送追隨遂凌紫鳳羣肯顧鴻鵠卑今者運命窮遭逢巧丸兒中汝要害處汝能

不得施於吾乃何有不忍乘其危可汝將死命
浴以清水池朝餐輟魚肉暝宿防狐狸自知無
以致蒙德久猶疑鍾云罵飽入深竹叢饑來傍
階基亮無責報心固以聽所為譚云語有身昨
日有氣力飛跳弄藩籬今晨忽徑去曾不報我
知僥倖非汝福鍾云待負心人復作厚道天衢
汝休窺京城事彈射豎子豈易欺勿諱泥坑辱
泥坑乃良規

○○夜歌

靜夜有清光閤堂仍獨息念身幸無恨鍾云古極志
氣方自得樂哉何所憂所憂非我力譚云
鍾云古直之氣從深靜出似魏武諸詩

○雉帶箭

原頭火燒靜兀兀鍾云此處乃着野雉畏鷹出
復沒將軍欲以巧伏人盤馬彎弓惜不發譚云
深不是尋常弓地形漸窄觀者多雉驚弓滿勁
馬中人說得
箭加衝人決起百餘尺紅翎白鏃相傾斜將軍
仰笑軍吏賀五色離披馬前墮

○送區弘南歸

鍾云深文秘義似識似隱。匪敢除我軍
 穆昔南征軍不歸。蟲沙猿鶴伏以飛。洶洶洞庭
 莽翠微。九疑鏡天荒是非。鍾云三字野有象犀
 水貝璣。分散百寶人士稀。我遷于南日周圍。來
 見者衆莫依稀。爰有區子熒熒暉。觀以藝訓或
 從違。我念前人譬葑菲。落以斧引以繹徽。雖有
 不逮。驅駢駢。或採于薄。漁于磯。服役不辱言不
 譏。從我荊州來京畿。離其母妻絕因依。嗟我道

不能自肥。子雖勤苦終何希。王都觀闕雙巍巍。
 騰跼衆駿事鞍鞿。佩服上色紫與緋。獨子之節
 可嗟唏。母附書至妻寄衣。開書折衣淚痕晞。雖
 不勅還情庶幾。朝暮盤羞側庭闈。幽房無人感
 伊威。人生此難餘可祈。子去矣時若發機。蜃沈
 海底氣昇霏。彩雉野伏朝扇翬。處子窈窕王所
 如。苟有令德隱不腓。况今天子鋪德威。蔽能者
 誅薦受機。出送撫背我涕揮。行行正直慎脂韋。
 業成志樹來頎頎。我當爲子言天扉。

○記夢來風賦并當為下言天與

夜夢神官與我言，羅縷道妙角與根。浮攜陬維口瀾翻，百二十刻須臾間。我聽其言未云足，捨我先度橫山腹。我徒三人共追之，一人前度安不危。我亦平行蹋翫戲，神完骨蹻脚不掉。側身上視溪谷盲，杖撞玉版聲彭舫。神官見我開顏笑，前對一人壯非少。石壇坡陀可坐臥，我手承頰肘挂座。隆樓傑閣磊嵬高，天風飄飄吹我過。壯非少者哦七言，鍾云壯非少者四字極是速夢口語六字常語

一字難。我以指撮白玉丹，行且咀噍行詰盤。口前截斷第二句，綽虛顧我顏不歡。乃知仙人未賢聖，護短憑愚邀我敬。鍾云罵世上冥我能屈曲自世間，安能從女巢神山。

柳宗元

○南澗中題

鍾云非不似陶。只覺音調外，不見一段寬然有餘處。

秋氣集南澗，獨游亭午時。迴風一蕭瑟，林影久

參差始至若自得。稍深遂忘疲。羈禽響幽谷。寒藻舞淪漪。去國魂已游。懷人淚空垂。孤生易為感。失路少所宜。索寞竟何事。徘徊祇自知。誰為後來者。當與此心期。

○中夜起望西園值月上

覺聞繁露墜。開戶臨西園。寒月上東嶺。泠泠疎竹根。石泉遠逾響。山鳥時一喧。倚楹遂至旦。寂寞將何言。

○田家

蓐食狗所務。驅牛向東阡。鷄鳴村巷白。夜色歸暮田。札札耒耜聲。飛飛來鳥鳶。竭茲筋力事。持用窮歲年。盡輸助徭役。聊就空自眠。子孫日以長。世世還復然。
鍾云結得味永似
儲王田居諸作

○又

鍾云訴得靜益覺情苦。

籬落隔煙火。農談四隣夕。庭際秋蟲鳴。疎麻方寂歷。蠶絲盡輸稅。機杼空倚壁。里胥夜經過。雞黍事筵席。各言官長峻。文字多督責。東鄉後租

期車轂陷泥澤。公門少推恕。鞭朴恣狼籍。努力
慎經營。肌膚真可惜。迎新在此歲。唯恐踵前跡。

○又

古道饒蒺藜。榮迴古城曲。蓼花被隄岸。陂水寒
更深。是時收穫竟。落日多樵牧。風高榆柳疎。霜
重梨棗熟。行人迷去住。野鳥競棲宿。田翁笑相
念。昏黑慎原陸。今年幸少豐。無厭餽與粥。

○戲題石門長老東軒

鍾云穆然深林似元道州七言

石門長老身如夢。旃檀成林手所種。坐來念念
非昔人。萬徧蓮花爲誰用。如今七十自忘機。貪
愛都忘筋力微。莫向東軒春野望。花開日出雉
皆飛。鍾云三
字禪機

裴度

○中書卽事

有意効承平。無功答聖明。灰心緣忍事。鍾云無

不能作元老霜鬢爲論兵。道直身還在。譚云大老何

軟頰恩深命轉輕。鹽梅非擬議。葵藿是平生。白日

常懸照。蒼蠅謾發聲。鍾云直氣嵩陽舊田里。終使謝歸畊。

鍾云端厚堅凝。居然元老。有厚力而無鈍氣。

○中和節詔賜公卿尺貞元八年宏詞

陽和行慶。賜尺度及羣公。荷寵承往節。傾心立大中。短長思合製。遠近貴攸同。其仰裁成德。將酬分寸功。作程施有政。垂範播無窮。願續南山壽。千春奉聖躬。

鍾云端人之言大臣之心

呂溫

○孟冬蒲津關河亭作

息駕非窮途。未濟豈迷津。獨立大河上。北風來吹人。雪霜自茲始。鍾云三字警甚感甚草木當更新。嚴冬不肅殺。何以見陽春。

○道州春遊歐陽家林亭

道州城北歐陽家。去郭一里占烟霞。主人雖朴甚有思。鍾云又朴又有思安得此妙解留滿地

中唐五

紅桃花。桃花成泥不須掃。朝更訪桃源老。政
成興足則告歸。門前便是家山道。
鍾云人知其趣不知其老。

○道州弘道縣主簿知縣三年頗著廉慎秩
入滿縣闕中使請留將赴衡州題其廳事
為理賴同力。陟明非所任。廢田方墾草。新柘未
成陰。術淺功難就。人疲感易深。煩君駐歸棹。與
慰不欺心。

鍾云深直似張曲江之心

道州感興

當代知文字。先皇記姓名。七年天下立。萬里海
西行。苦節終誰辨。勞生竟自輕。今朝流落處。瀟

水遶孤城。日日同遊醉。年年共食饔。

姚合

○送邢郎中赴太原

上將得良策。恩威作長城。如今并州北。不見有

胡兵。晉野雨初足。汾河波亦清。所從古無比。意

氣送君行。

鍾云亦以深朴勝

○送張宗原以公詩如衣帶水聲古無此意

東門送客道。春色如死灰。一客失意行。一客顏

色低。住者既無家。去者又非歸。鍾云此窮愁一語苦甚

成疾百藥不可治。子賢我且愚。命分不合齊。誰

開蹇躓門。日日同遊栖。子行何所之。切切食與

衣。誰能買仁義。令子無寒饑。野田不生草。四向

生路岐。士人甚商賈。終日須東西。鴻鴈春北去。

秋風復南飛。勉君向前路。無失相見期。

○街西居

日出窮巷喜。溫然勝重衣。重衣豈不暖。所暖人

不齊。兀兀復行行。不離階與墀。

○又

丈夫非馬蹄。安得知路岐。窮賤殮茹薄。興與養

性宜。乃知長生術。豪貴難得之。

○石潭

曉向潭上行。夕就潭邊宿。清冷無波瀾。澈澈魚

相逐。釣翁坐不起。見我往來熟。

買太湖石

我嘗遊太湖。愛石青。嗟峨波瀾。取不得。自後長

咨嗟。奇哉。賣石翁。譚云以此一句為作詩本。不

傍。豪貴家。負石聽苦吟。鍾云高人行徑亦須略

癖。雖貧亦來過。貴我辨識精。取價復不多。譚云

好名感知此昔所見珍怪。頗更加背面。滌注

痕。孔隙若琢磨。水稱至柔物。湖乃生壯波。或云

此天生。嵌空亦非他。氣質偶不合。如地生江河。

鍾云大置之書房前。曉霧常紛羅。碧光入四隣。

牆壁難蔽遮。客來謂我宅。忽若巖之阿。

送僧默然

出家侍母前。至孝自通禪。鍾云儒釋一家之言伏日江頭

別。秋風檣下眠。鳥聲猿更促。石色樹相連。此路

多如此。師行亦有緣。

秋中夜坐

疎散永無事。不眠常夜分。月中松露滴。風引鶴

同聞。鍾云同聞有理。有起引字尤微。

陳羽

○送殷華之洪州

離堂悲楚調。君奏豫章行。愁深雪花白。夢中江水清。扣船歌月露。避浪宿猿聲。鍾云幽極還作經年別。相思湖草生。

○春園卽事

水隔羣物外。鍾云日幽曠夜深風起蘋。霜中千樹橘。月下五湖人。聽鶴忽忘寢。見山如得隣。明年還到此。共看洞庭春。

朱長文

○望中有懷

龍向洞中嘶。雨出鳥從花裏帶。香飛譚云三字細極趣極白雲斷處見明月。黃葉落時聞擣衣。

李觀

○宿裴友書齋

暮。鍾云幽活澹永。臥君山窓下。山鳥與我言。清風何颼颼。松栢中夜繁。久遊失歸趣。宿此似故園。林煙還近郊。谿月落古原。稚子不待曉。花間出柴門。

朱放

○剡谿行却寄新別者
○園林盛豈豈波
潺湲寒溪上。自此成離別。迴首望歸人。移舟逢暮雪。頻行識草樹。漸老傷年髮。惟有白雲心。為向東山月。

徐凝 一作劉長卿

○江中對月
○黃葉都秋問
空洲夕烟歛。望月秋江裏。歷歷沙上人。月中孤渡水。

令狐楚 三十卷目錄

○遠別離

玳織鴛鴦履。金裝翡翠簪。畏人相問着。不敢到城南。

孟簡 段生

○擬古

劍客不誇貌。主人知取心。但營纖毫義。鍾云三字妙才
是漢以後俠肯計千萬金。勇發看鷲擊。憤來聽虎吟。平生貴疇德。刃敵無幽深。

白雲滿月
 北南疑 一作劉長卿
 飛揚。登登。金葉。裴翠。參吳人。卧問。眷不。雄。輝
 空。哀。恨。鐵。望。月。秋。江。裏。歷。歷。沙。上。人。月。中。孤
 今。孤。楚

唐詩歸第三十卷目錄

中唐六

張籍

野居

別段生

城南

野老歌

別離曲

節婦吟

山中

西州

臥疾

祭退之

寄衣曲

教童詞

雄客吟

寄李

雜怨

贈孟郊

白紵歌

送遠曲

古釵嘆

烏棲曲

短歌行

泗水行

雀飛多

春水曲

薊北旅思

西樓望月

聽夜泉

薊北春懷

思江南

舊遊

夜到漁家

宿臨江驛

送遠客

嶺外逢故人

夜宿黑龍谿

隱者

襄國別友

宿廣德寺寄從舅

過賈島野居

送人任濟陰

水

送安法師

山中酬人

寄李渤

賈島集三十卷目錄

遊僊

旅遊

雨後宿

司馬池上

南池

雨夜同厲

玄懷皇甫荀

送安南惟

鑿法師

題李凝幽居

寄山中長

孫棲嶠

秋夜仰懷錢孟二公

琴客會

送李戎持侍往壽安

贈胡禪師

暮過山村

劍客

渡桑乾

盧仝

白鷺鷥

馬蘭詩請客

李廓

鷄鳴曲

鏡聽詞

又 猛士行

長安少年行

又

又

送振武將軍

落第詩

李約

從軍行

城南訪裴氏昆季

唐詩歸第三十卷

中唐六

張籍

景陵

鍾惺伯敬

同選定

譚元春友夏

鍾云張文昌妙情秀質而別有溫夷之

氣思緒清密讀之無深苦之迹在中唐

最為緼藉○譚云司業詩少陵所謂冰

雪淨聰明足以當之

野居

貧賤易為適。荒郊亦安居。端坐無餘思。彌樂古
人書。秋田多良苗。野水多遊魚。我無耒與網。安
得充廩廚。寒天白日短。簷下暖我軀。四肢漸寬
柔。中腸鬱不舒。鍾云快樂未已忽多病減志氣。
為客足憂虞。况復時節晚。覽景獨踟蹰。

鍾云法緊氣寬。古詩至此。不得以中唐
限之矣。譚云有道氣。

西州

羌胡據西州。近甸無邊城。山東收租稅。養我防
塞兵。胡騎來無時。居人常震驚。嗟我五陵間。農
者罷耕耘。邊頭多殺傷。士卒難全形。郡縣發丁
役。丈夫各征行。生男不能養。懼身有姓名。良馬
不念秣。烈士不苟營。所願除國難。再逢天下平。

雜怨

切切重切切。秋風桂枝折。人當少年嫁。我當少
年別。譚云淺念君昨征行。年年長遠途。妾身甘
獨歿。高堂有舅姑。山川豈遙遠。行人自不返。

○別段生
鍾云一團厚道。古人之言。古人之言。

與子骨肉親。願共長相隨。况離父母傍。從我學詩書。同在道路中。講誦亦未窺。為文於我前。日夕生光儀。行役多疾疹。賴此相扶持。貧賤事俱難。今日有別離。我去秦城中。子留汴水湄。離情兩飄斷。豈異風中絲。幼年獨為客。舉動難為宜。努力自修勵。長如見我時。我時登山岡。再揖問還期。還期在新年。勿怨歡會遲。

○卧疾

身病始知道。卧讀神農經。空房夜留燈。譚云留燈二字

形神惛然。不能再讀。四壁青熒熒。羈旅逐人歡。貧賤還自

輕。鍾云以此二句為致。病之本。真境可憐。今來問良醫。乃知病所

生。僮僕各相憂。杵臼無停聲。見我形憔悴。勸藥

語丁寧。春雨枕席冷。窓前新禽鳴。開門起無力。

遙愛雞犬行。鍾云病中妙語。苦境苦極便妙。服藥察其目。漸覺

如酒醒。方悟養生者。不為憂患并。

○贈孟郊

歷歷天上星，沈沈水中萍。幸當清秋夜，流影及微形。君生衰俗間，立身如禮經。淳意發高文，譚云

古人文章交游從獨有金石聲才名振京國歸

人品上着眼如此省東南行，停車楚城下。顧我不念程，寶鏡曾墮

水不磨難自明。苦節居貧賤，所知賴友生。歡會

方別離，戚戚憂慮并。安得在一方，終老無送迎。

鍾云真朋友實有此想

城南

漾漾南澗水，來作曲池流。言尋參差島，曉榜輕

盈舟。萬繞不再止，千尋盡孤幽。藻澀訝人重，萍

分指魚遊。繁苗毯下垂，密箭翻迴輞。曝鼈亂自

墜，陰藤斜相鈎。臥蔣黑米吐，翻芟紫角稠。橋低

競俯，樓亭近閒夷。猶日為遊，勝朗手因掇。芳柔

漸喜遊來極，勿疑歸無由。氣狀雖可覽，纖微諒

難搜。未聽主人賞，徒愛清華秋。

祭退之

嗚呼吏部公，其道誠巍昂。生為大賢姿，天使光

我唐。德義動鬼神，鑒用不可詳。獨得雄直氣，發

為古文章學無不該貫吏治得其方三次論諍
退其志亦剛強再使平山東不言所謀臧鍾云深
薦待皆寒羸但取其才良親朋有孤稚婚姻有
辦營如彼天有斗人可為信常如彼歲有春物
宜得華昌哀哉未申施中年遽殂喪朝野良共
哀矧於知舊腸籍在江湖間獨以道自將鍾云甚高正是說韓公知人擇交處
學詩為眾體久乃溢笈囊略無
相知人黯如霧中行北遊偶逢公盛語相稱明
名因天下聞傳者入歌聲公領試士司首薦到

上京一來遂登科不見苦貢場觀我性朴直乃
言及平生鍾云可見古人師友由慈類朋黨骨
肉無以當坐令其子拜常呼幼時名追招不隔
日斷踐公之堂出則連轡馳寢則對榻牀搜窮
古今書事事相酌量有花必同尋有月必同望
為文先見草釀熟借共觴新果及異鮓無不相
待嘗到今三十年曾不少異更譚云難在此句公文為
時帥我亦有微聲而後之學者或號為韓張鍾云何等
我官麟臺中公為大司成念此委末秩不
名根

能力自揚，特狀為博士。始獲升朝行，未幾享其
 資。遂忝南宮郎，是事賴拯扶。如屋有棟梁，去夏
 公請告，養疾城南莊。籍時官休罷兩月，同遊翔
 黃子陂，听曲地曠，氣色清新。池四平，漲中有蒲
 荇香。北臺臨稻疇，茂柳多陰涼。板亭坐垂釣，煩
 苦稍已平。共愛池上佳，聯句舒遐情。偶有賈秀
 才，譚云插得妙來茲亦間并。移船入南溪，東西縱篙
 根。劃波激船舷，前後飛鷗鷺。回入潭瀨下，網截
 鯉與魴。踏沙掇水蔬，樹下丞新秔。日來相與嬉

不知暑日長，柴翁携童兒。乘興於吟傍，月中登
 高灘。星漢交垂芒，釣車擲長綫。有發齊歡驚，夜
 闌乘馬歸。衣上草露光。鍾云佳景佳句，奏手公為游溪詩，
 唱咏多慨慷。自期此可老，結社於其鄉。籍受新
 官詔，拜恩當入城。公因同歸還，居處隔一坊。中
 秋十六夜，魄圓天差晴。公既相邀留，坐語於階
 楹。乃出二侍女，合彈琵琶箏。臨風聽繁絲，忽遽
 聞再更。顧我數來過，是夜涼難忘。鍾云深情，細心之言公
 疾浸日加，孺人視藥湯。來候不得宿，出門每廻

選自是將重危車馬候從橫門僕皆逆遣獨我
到寢房公有曠達識歿生爲一綱及當臨終辰
意色亦不荒贈我珍重言傲然委衾裳公比欲
爲書遺約有脩章令我署其末以爲後事程家
人號於前其書不果成子符奉其言甚於親使
令魯論未迄註手跡今微茫新亭成未登此語云
最可閉在莊西廂書札與詩文重疊我篋盈頃
息萬事盡腸情多摧傷舊瑩明津北野寒動鼓
鉦柳車一出門終天無迴籍籍貧無贈貲易用

哀誠衣器陳下帳醪餌奠堂皇明靈庶鑒知
秀髯斯來饗

鍾云志狀誅傳借一詩吐之人品交情
無復有餘予嘗走筆作譚太公祭文而
一志銘累年不成文之行止視乎情耳

○白紵歌

皎皎白紵白且鮮將作春衣稱少年裁縫長短
不能定自持刀尺向姑前復恐蘭膏汗纖指常
遣傍人收墮珥鍾云此語衣裳着時寒食下還

把玉鞭鞭白馬。

鍾云情深而正。

○野老歌

老翁家貧在山住耕種山田三四畝苗疎稅多
不得食輸入官倉化為土歲暮鋤犁倚空室呼
兒登山收橡實西江賈客珠百斛船中養火常
食肉。鍾云語有經國隱憂

○寄衣曲

鍾云至情重義無此不成樂府。

織素縫衣獨苦辛遠因回使寄征人官家亦自

寄衣去貴從妾手着君身高堂姑老無侍子不

得自到邊城裏慇懃為看初着時。譚云情想在此三字征

夫身上宜不宜。譚云深曲之想說來全不費力

○送遠曲

戲馬臺南山簇簇山邊飲酒歌別曲行人醉後

起登車席上回尊勸僮僕青天漫漫覆長路。鍾云

真景語遠遊無家安得住願君到處自題名他日

知君從此去。

○別離曲

鍾云字字怨却不宜作怨詩看。行人結東出門去幾時更踏門前路憶昔君初納采時不言身屬遼陽戍早知今日當別離成君家計良為誰男兒生身自有役那得誤我少年時不如逐君征戰死誰能獨老空閨裏

○牧童詞

遠牧牛繞村四面禾黍稠陂中饑鳥啄牛背令我不得戲壠頭入陂草多牛散行白犢時向蘆

中鳴隔堤吹葉應同伴還敲長鞭三四聲牛羣食草莫相觸官家截爾頭上角

○古釵嘆

古釵墮并無顏色百尺泥中今復得鳳凰宛轉有古儀欲為首飾不稱時女伴傳看不知主羅袖拂拭生光輝蘭膏已盡股半折雕文刻樣無年月雖離并底入匣中不用還與墜時同

鍾云達甚

○節婦吟

君知妾有夫贈妾雙明珠感君纏綿意繫在紅

羅襦妾家高樓連苑起。良人執戟明光裏。知君
用心如日月。事夫誓擬同生死。還君明珠雙淚
垂。何不相逢未嫁時。鍾云節義肝腸以情款語出之妙妙

○樵客吟

山上採樵選枯樹。深處樵多出辛苦。秋來野火
燒櫟林。枝柯已枯堪採取。斧聲坎坎在幽谷。採
得齊稍青葛束。日西待伴同下山。竹擔彎彎向
身曲。共知路傍多虎穴。未出深林不敢歇。村西
地暗狐兔行。稚子叫時相應聲。譚云是暗採樵中語景

客莫樵松與栢。松栢生枝直且堅。與君作屋成

家宅。鍾云有深意。

○烏棲曲

西山作宮花滿池。宮烏曉鳴菜萸枝。吳姬采蓮
自唱曲。君王昨夜船中宿。鍾云妙在賣弄之意不甚說明而景中言

外可想

○短歌行

青天蕩蕩高且虛。上有白日無根株。流光暫出
還入地。使我少年不須臾。與君相逢勿寂寞。衰

老不復如今樂。金卮盛酒置君前。再拜勸君千萬年。
鍾云淺。杜可詠。

○泗水行

泗水流急石纂纂。鯉魚上下紅尾短。春冰消散日雪滿。行舟往來浮橋斷。城邊漁市人早行。水煙漠漠多棹聲。

鍾云靜而淡。○譚云此首較他作調最

古。

○雀飛多

雀飛多觸網羅。網羅高樹巔。汝飛蓬蒿下。勿復投身網羅間。粟積倉禾在田。巢之雛望其母來還。

鍾云音節妙

○春水曲

鴨鴨嘴啜啜。青蒲生春水。狹蕩漾木蘭船。中有雙少年。少年醉鴨不起。

○薊北旅思

日日望鄉國。空誦白紵詞。長因送人處。憶得別。

家時。鍾云其實深以失意還獨語。多愁祇自知。
客亭門外柳折盡。向南枝。譚云盡

○西樓望月

城西樓上月復是。雪晴時寒夜共來望。思鄉獨
下遲。幽光落冰塹。淨色遍霜枝。明日千里去。此
中還別離。

○聽夜泉

細泉深處落。鍾云三字夜久漸聞聲。獨起
聽。欲尋當澗行。還疑隔林遠。復畏有風生。譚云

月下長來此。無人亦到明。

○薊北春懷

渺渺水雲外。別來音信稀。因逢過江使。却寄在
家衣。問路更愁遠。逢人空說歸。今朝薊城北。又
見塞鴻飛。

鍾云妙於用虛。生情生力。

○思江南舊遊

江臯三月時。花發石楠枝。歸客應無數。春山自
不知。鍾云幽極獨行愁道遠。回信畏家移。楊柳東

西度茫茫欲問誰

○夜到漁家

正江口潮水入柴扉。行客欲長宿。主人猶
才歸。竹深村路遠。月出釣船稀。遙見尋沙岸。春
風動草衣。

○宿臨江驛

楚驛南渡口。夜深來客稀。月明見潮上。江靜覺
鷗飛。旅宿今已遠。此行猶未歸。離家久無信。又
聽搗寒衣。

○送遠客

南原相送遠。秋水草還生。

鍾云閒心靜同作憶境在此五字

鄉客如今分路行。因誰寄歸信。漸遠問前程。明

日重陽節。無人上古城。

譚云一氣悲感全是起二句襯出

○嶺外逢故人

遇著萬餘里。旅遊經此稀。相逢去家遠。共說幾
時歸。海上見花發。瘴中唯鳥飛。炎州望鄉伴。自
識北人衣。

○夜宿黑龍谿

夜到碧谿裏，無人秋月明。逢幽更移宿，取伴亦探行。花下紅泉色，雲西乳鶴聲。明朝記歸處，石上自書名。

○隱者

先生已得道，市井亦容身。救病自行藥，得錢多與人。問年長不定，傳法又非真。常見鄰家說，時聞使鬼神。

○襄國別友

曉色荒城下，相看秋草時。獨遊無定計，不欲道來期。別處去家遠，愁中驅馬遲。歸人渡煙水，遙映野棠枝。

○宿廣德寺寄從舅

古寺客堂空，開簾四面風。移牀動棲鶴，停燭聚飛蟲。聞臥逐涼處，遠愁生靜中。譚云真體認林西微月色，思與甯家同。

○過賈島野居

青門坊外住，行坐見南山。此地去人遠，知君終

日閒蛙聲籬落下，草色戶庭間。好是經過處，唯愁暮獨還。

○送人任濟陰

黃綬在腰下，知君非旅行。鍾云絕似將書報舊里，留褐與諸生。贈別盡沽酒，惜歡多出城。春風濟水上，候吏聽車聲。

○水

蕩漾空沙際，虛明入遠天。秋光照不極，鳥色去無邊。勢引長雲闊，波輕片雪連。江洲杳難測，萬

古覆蒼煙

○送安法師

出郭見落日，別君臨古津。遠程無野寺，宿處問何人。原色不分路，錫聲遙隔塵。山陰到家節，猶及蕙蘭春。

○山中酬人

山中日暖春鳩鳴，逐水看花任意行。向晚歸來石窓下，蒼苔葉上見通名。

○寄李渤

五度谿頭躑躅紅。嵩陽寺裏講時鐘。春山處處
行應好。一月看花到幾峰。

賈島

遊仙

借得孤鶴騎。高近金烏飛。掬河洗老貌。照月生
光輝。天中鶴路直。天盡鶴一息。歸來不騎鶴。身
自有羽翼。若人無仙骨。芝朮無煩食。

旅遊

此心非一事。書札若為傳。舊國別多日。故人無

少年空巢霜葉落。疎牖水螢穿。留得林僧宿。中
宵坐默然。

雨後宿劉司馬池上

藍谿秋漱玉。此池漲清澄。蘆華聲兼雨。芰荷香。
遶。燈。岸。頭。秦。古。道。亭。面。漢。荒。陵。靜。想。泉。根。本。幽
崖。落。幾。層。

南池

蕭條微雨絕。荒岸抱清瀟。入舫山侵塞。分泉稻
接村。秋聲依樹色。月影在蒲根。淹泊方難逐。他

宵關夢魂

○雨夜同鴈玄懷皇甫荀

桐竹繞庭匝。雨多風更吹。還如舊山夜。卧聽瀑
泉時。磧鴈來期近。秋鐘到夢遲。溝西吟苦客。中
夕話兼思。

○送安南惟鑒法師

講經春殿裏。花繞御床飛。南海幾迴過。舊山臨
老歸。潮搖蠻草落。月濕島松微。空水既如彼。往
來消息稀。鍾云深。

○題李凝幽居

閒居少隣並。草徑入荒園。鳥宿池邊樹。僧敲月
下門。過橋分野色。移石動雲根。暫去還來此。幽
期不負言。

○寄山中長孫棲嶠

此時氣蕭颯。琴院可應關。鶴似君無事。風吹雨
遍山。松生青石上。泉落白雲間。有徑連高頂。心
期相與還。

○秋夜仰懷錢孟二公琴客會

渡桑乾

客舍并州已十霜。歸心日夜憶咸陽。無端更渡桑乾水。却望并州是故鄉。

盧仝

白鷺鷥

鍾云笑盡名利熱中人。

刻成片玉白鷺鷥。欲捉纖鱗心自急。翹足沙頭不得時。傷人不知謂閒立。

馬蘭請客

蘭蘭是。小草不怕郎君罵。願得隨君行。暫到嵩山下。

鍾云似讀曲聲想。

李廓

鍾云便娟儁爽。艷情俠骨。心口足以兼之。別具靈慧。

雞鳴曲

星稀月沒入五更。膠膠角角雞初鳴。征人牽馬出門立。辭去欲向安西行。再鳴引頸篋。頭下月。

中角聲催上馬。纔分地色第三鳴。鍾云直寫節次無限情事
委折旌旆紅塵已出城。婦人上城亂招手。夫婿
其中不聞遙哭聲。長恨雞鳴別時苦。不遣雞棲近牕

戶。譚云樂府妙想

○鏡聽詞

鍾云王建亦有此詞。說向喜邊。此專說
向悲邊。苦情則一。而此詩入景更深。婉
匣中取鏡。祠竈王羅衣掩。盡明月光。昔時長着
照容色。今日潛將聽消息。門前地黑人來稀。無

錯道朝夕歸。鍾云錯道二更更深弱體冷如鐵。

繡帶菱花懷裏熱。譚云悲苦銅片銅片如有靈。

願得照見行人千里形。鍾云鏡聽說向照上無聊之甚

○猛士行

戰鼓驚沙惡天色。猛士虬鬚眼前黑。單于衣錦
日行兵陣頭。走馬生擒得幽并。少年不敢輕。虎
狼穴裏空手行。

○長安少年行

遨遊携艷妓。裝束似男兒。杯酒逢花生。笙歌簇

馬吹鶯聲催曲急。春色送歸遲。不以聞街鼓。華筵待月移。

○又

戟門連日閉。苦飲惜殘春。開鎖通新客。教姬屈醉人。清詞牽白馬。自舞踏紅茵。時輩皆相許。平生不負身。

○又

小婦教鸚鵡。頭邊喚醉醒。犬嬌眠玉簾。鷹掣撼金鈴。碧地攢花障。紅泥待客亭。雖然長按曲。不

飲不曾聽。

○送振武將軍

葉葉歸邊騎。風頭萬里乾。金裝腰帶重。錦縫耳衣寒。蘆酒燒蓬暖。霜鴻撚箭看。黃河古城道。秋雪白漫漫。

○落第詩

鍾云此詩愁苦極矣。要是胸中高興人。

所為不然。不如是之趣。

闕前潛制淚。眾裏自嫌身。氣味如中酒。情懷似

別人鍾云入想甚遠暖風張樂席。晴日看花塵。
盡是添愁處。深居乞過春。

李約

○從軍行

候火起鵬城。塵沙擁戰聲。遊軍藏虜幟。降騎說蕃情。
露落彪池淺。秋深太白明。嫖姚方虎視。不覺說添兵。

○城南訪裴氏昆季

相思起中夜。夙駕訪柴荆。早霧桑柘隱。曉光溪

澗明。村蹊蒿棘間。往往斷新耕。貧野煙火微。盡無烏鳶聲。
田頭逢餉人。道君南山行。南山千里峯。盡是相思情。
野老無拜揖。村童多躡形。相呼看車馬。顏色喜相驚。
荒圃雞豚樂。雨牆禾莠生。欲君知我來。壁上空書名。

鍾云東野詩有孤峰峻壑之氣。其云郊寒者高則寒。深則寒也。勿作貧寒一例。

看○譚云詩家變化自心。百家可少。

盡是添愁處。深居乞過春。

李約

○從軍行

燄昏曉。非來望。土空書。命遊軍。藏虜幟。降騎說。
香車。燕。驚。魚。喜。昨。驚。荒。圃。換。帆。樂。雨。隸。未。裝。坐。
峯。盡。吳。昨。思。謝。理。步。無。耗。對。林。童。冬。艱。汗。昨。平。
無。鳥。漁。華。田。更。多。喻。人。苗。昏。南。山。行。南。山。千。里。
間。與。林。劉。蒿。棘。間。封。封。瀾。濤。擗。貧。裡。野。火。燄。盡。

唐詩歸第三十一卷

景陵 鍾 惺伯敬 同選定
譚元春友夏

中唐七

孟郊

鍾云東野詩有孤峰峻壑之氣。其云郊
寒者高則寒。深則寒也。勿作貧寒。寒。寒。例
看。○譚云詩家變化。自盛唐諸家而妙
已極。後來人又欲別尋出路。自不能無

東野長吉一派

○列女操

鍾云語無委曲。直以確為妙。樂府亦有確而妙者。不專在委曲也。顧情至何如

耳。如妾是庶人不樂宋王之類是也。

梧桐相待老。鴛鴦會雙死。貞婦貴狗夫。捨生亦

如此。波瀾誓不起。妾心井中水。

譚云妙在斬截

○灞上輕薄行

長安無緩步。况值天景暮。相逢灞澹間。親戚不

相顧。自嘆方拙身。忽隨輕薄倫。常恐失所避。化

為車轍塵。此中生白髮。疾走亦未歇。

鍾云狠語喚醒忙人

○長安羈旅行

十日一理髮。每梳飛旅塵。三旬九過飲。每食唯

舊貧。萬物皆及時。獨余不覺春。失名誰肯訪。得

意爭相親。直木有恬翼。靜流無躁鱗。始知喧競

場。莫處君子身。野策藤竹輕。山蔬薇蕨新。潛歌

歸去來。事外風景真。

○長安道

胡風激秦樹，賤子風中泣。家家朱門開，鍾云悲在開字得見不可入。長安十二衢，投樹鳥亦急。高閣何人家，笙篁正喧吸。

鍾云二詩皆以極真未免傷於露

○古樂府雜怨

鍾云又以淺為妙

天桃花。清晨遊女紅粉新。天桃花。薄暮遊女紅粉。故樹有百年花。人無一定顏。花送人老盡。人悲花自閒。

唐詩歸第三十一卷目錄

中唐七

孟郊

列女操

灞上輕薄行

長安羈旅行

長安道

古樂府雜怨

遊子吟

獨愁

聞砧

自歎

病客吟

秋懷

陪侍御叔

遊城南

遊終南山

石淙

遊石龍澗

遊枋口

藍溪元居

士草堂

立德新居

西上經靈

寶觀

獨宿峴首憶長安故人

連州吟

相廬山中贈李明府

贈鄭夫子魴

章仇將軍良棄功守貧

趙記室傲在職無事

送溫初下

送任齊二秀才自洞庭遊宣城

送豆盧策歸別野

送道士

送淡公

又

又

又

聽琴

列仙文

聽藍溪僧為元居士說維摩經

慈母上昭成閣不得於從姪僧悟空院嘆嗟

遲歸峽哀寸草心報又三春暉鍾云自弟盧殷

李賀愁

走馬引苦調自申胡子感築歌雅不遠

感諷云六句詩又看其圓捷處高平縣東

前日遠私路昨日生謠筓鍾云有昨春坊正字

想欲知劔子歌曉臥唐兒歌常恐百金銅像大

芳草歌辭漢歌野之後園鑿井秦宮詩

翰苑編

詩園選

秦宮雜靈

遊子怨

觀吳越自憶長安故人

遊子怨

謝靈運山中贈李春樹五字

蘇州天子飭

更仇將軍良藥高平瀝

表黑臣傲在職

申時子瀟葉烟送溫初

李賢任齊二秀才自洞庭遊宣城

趙東風策歸別野

華蓋

上御苑閣不昏然致會空

藥蘊彩會為六卦士歸錄

○遊子吟

慈母手中線，遊子身上衣。臨行密密縫，意恐遲

遲歸。誰言寸草心，報得三春暉。鍾云仁孝之言自然風雅

○獨愁

鍾云苦調自深厚中出。去風雅不遠。○

譚云六句詩當看其圓捷處

前日遠別離，昨日生白髮。鍾云有昨日二字便覺生白髮為創出之

想欲知萬里情，曉臥半牀月。常恐百蟲鳴，使我

芳草歇。譚云芳草之上著一我字無理而有至情

○聞砧

杜鵑聲不哀，斷猿啼不切。月下誰家砧，一聲腸
一絕。杵聲不為客，客聞髮自白。杵聲不為衣。鍾云
妙在欲令遊子歸。

○自歎

愁與髮相形，一愁白數莖。有髮能幾多，禁愁日
日生。古若不置兵，天下無戰爭。古若不置名，鍾
置名二道路無欹傾。太行聳巍巍，是天產不平。
字妙黃河奔濁浪，是天生不清。四蹄日日多，雙輪日

日成。二物不在天，安能尤營營。

○病客吟

鍾云苦情悲響不盡不止

主人夜呻吟，皆入妻子心。遠客晝呻吟，徒為蟲
鳥音。譚云三妻子手中病，愁思不復深。僮僕手
中病，憂危獨難任。丈夫久漂泊，神氣自然沈。况
於滯疾中，何人免嘘歎。大海亦有涯，高山亦有
岑。沈憂獨無極，塵淚來盈襟。

○秋懷

秋至老更貧。破屋無門扉。一片月落林。四壁風入衣。疎夢不復遠。弱心良易歸。商葩將去綠。絲繞爭餘輝。野步踏事少。病謀向物違。幽。幽。草根蟲。生意與我微。鍾云深遠欲去

○陪侍御叔遊城南山墅

夜坐擁腫亭。晝登崔嵬岑。日窺萬峰首。月見雙泉心。鍾云月見奇矣。心字尤奇。五字中著此兩番奇想。松氣清耳目。竹氛碧衣襟。佇想琅玕字。數聽枯槁吟。

○遊終南山

南山塞天地。日月石上生。譚云鑿空奇語。却不入魔。高峰夜

留景。深谷晝未明。山中人自正。路險心亦平。長

風驅松柏聲。拂萬壑清。到此悔讀書。鍾云無端與想。却自

真朝朝近浮名。

○石淙

百尺明鏡流。千曲寒星飛。為君洗故物。有色如

新衣。不飲泥土污。但飲雪霜饑。石稜玉纖纖。草

色瓊霏霏。各禮有餘力。溪春亦多機。鍾云學道之言。從

來一智萌。能使衆利歸。因之山水中。喧然論是

非譚云感深

遊石龍澗

石龍不見形，石雨如散星。山下晴皎皎，山中陰
泠泠。水飛林木杪，珠綴莓苔屏。蓄異物皆別，當
晨景欲暝。泉芳春氣碧，松月寒色青。險力此獨
壯，猛獸亦不停。日暮且迴去，浮心恨未寧。

遊枋口

一步復一步，出行千里幽。為取山水意，故作寂

寞遊。

鍾云二語甚深。即江令詩所謂尋山靜見聞也。喧人如何輒言山水。

太行青

巔高枋口碧，照浮明明無底鏡。泛泛忘機鷗，老
逸不自限。病狂不可周，恣閒饒淡薄。怠玩多淹
留，芳物競晼晚。綠梢桂新柔，和友鸞相遠。言語
亦以稠，始知萬類然。靜躁難相求。

藍溪元居士草堂

市井不容義，義歸山谷中。夫君宅松桂，招我棲
蒙籠。人朴情慮肅，譚云子語境閒視聽空。清溪宛
轉水，脩竹徘徊風。木倦採樵子，土勞稼穡翁。讀
書業雖異，敦本志亦同。藍岸青漠漠，藍峰碧崇

崇日昏各命酒寒蛩鳴蕙叢

轉○立德新居

聳城架霄漢。絮宅涵網緼。開門洛北岸。時鏡嵩

陽雲夜高星辰大。鍾云奇語真景夜高尤妙晝長天地分。厚

韻屬疎語薄名謝。翬聞茲焉有殊隔。永矣難及

羣。

○西上經靈寶觀

道士無白髮。語音靈泉清。青松多壽色。白石恒

光明。放步霽霞起。振衣華風生。真文祕中頂。實

氣浮四楹。一片古關路。萬里今人行。上仙一可

見。驅策徒西征。

○獨宿峴首憶長安故人

月迴無隱物。况復大江秋。江城與沙村。人語風

颼颼。峴亭當此時。故人不同遊。故人在長安。亦

可將夢求。

○連州吟

羽翼不自有。相追力難任。唯憑方寸靈。獨夜萬

里尋。鍾云幽情慘淡方尋魂飄颻。南夢山嶮嶽。髮髯驚

飄飄。悉。宰。聞。楓。林。正。直。被。放。者。鬼。魅。無。所。侵。賢
人。多。安。排。俗。士。多。虛。歎。孤。懷。吐。明。月。眾。毀。鑠。黃
金。願。君。保。玄。曜。壯。志。無。自。沈。

○桐廬山中贈李明府

靜。境。無。濁。氛。清。雨。零。碧。雲。千。山。不。隱。響。一。葉。動。
亦。聞。鍾云靜極之言即。此。佳。志。士。精。微。誰。相。羣。欲。識。楚
章。句。袖。中。蘭。桂。薰。

○贈鄭夫子魴

天。地。入。胷。臆。吁。嗟。生。風。雷。文。章。得。其。微。物。象。由。

我。裁。宋。玉。逞。大。句。李。白。飛。狂。才。苟。非。聖。賢。心。孰
與。造。化。該。勉。矣。鄭。夫。子。驪。珠。今。始。胎。

○章仇將軍良棄功守貧

飲。君。江。海。心。詎。能。辨。淺。深。揖。君。山。岳。德。誰。能。齊。

嶽。岑。

鍾云不讀此等語不知古人作奇詩九重處

東。海。精。為。月。西。岳。

氣。凝。金。進。則。萬。景。晝。退。則。羣。物。陰。我。欲。薦。此。言。
天。門。峻。沈。沈。風。颺。亦。感。激。為。我。颺。颺。吟。

○趙記室傲在職無事

鍾云胷中有大原委自然曠達得來○

譚云學道經世之言

卑靜身後老高動物先摧鍾云一方圓水任器

剛勁木成灰大道毋羣物達人腹衆才時吟堯

舜篇心向無為開彼隱山萬曲我隱酒一杯公

庭何所有日日清風來

送温初下第

日落濁水中夜光誰能分高懷無近趣清抱多

遠聞欲識丈夫志心藏孤岳雲長安風塵別思

天不見君

送任齊二秀才自洞庭遊宣城

文章者賢人之心氣也心氣樂則文章正心

氣非則文章不正當正而不正者心氣之偽

也鍾云正不正微矣又下訂賢與僞見於文章

一直之詞衰代多禍賢無曲詞文章之曲直

不由於心氣心氣之悲樂亦不出賢人由於

時故今宣州多君子開閣而寔文章之曲直

纖微悉而備舉洞庭二客勉而客去之鼓其

風波之詞若知六樂莫是行也遂為詩曰

洞庭非人境。道路行虛空。二客月中下。一帆天外風。魚龍波五色。金碧樹千叢。閃怪如可懼。在誠無不通。扣奇驚浩淼。採異訪穹崇。物表積高韻。人間訪仙公。宣城文雅地。謝守聲問融。證玉易爲力。辨珉誰不同。從茲阮籍淚。且免泣途窮。

○送豆盧策歸別墅

短松鶴不巢。高石雲不棲。君今瀟湘去。意與雲鶴齊。力買奇險地。手開清淺溪。白坡薜荔衣。山陟莓苔屨。一卷冰雪文。避俗常自攜。

○送道士

十年山上行。山上無遺蹤。一日人間遊。六合人皆逢。自有意中侶。白寒徒相從。

○送淡公

鍾云俚調奇響。題是送淡公。尤奇。

銅斗飲江酒。手拍銅斗歌。儂是拍浪兒。飲則拜浪婆。脚踏小船頭。獨速舞短蓑。笑伊漁陽操。空恃文章多。閒倚青竹竿。白日柰我何。

○又

射鴨復射鴨。鴨驚菰蒲頭。鴛鴦亦零落。彩色難相求。儂是清浪兒。每踏清浪遊。笑伊鄉貢郎。踏上稱風流。如何非角翁。至死不裹頭。

○又

短策不怕雨。白鷺相爭飛。短楫畫菰蒲。圖作豪橫歸。笑伊水徒兒。浪戰求光輝。不如竹枝弓。射鴨無是非。

○又

師得天文章。所以相知懷。數年伊維同。一旦江

湖垂江湖。有故莊小女。啼嗒嗒。我憂未相識。乳養難和諧。幸以片佛衣。誘之令看齋。齋中百福言。催促西歸來。

○聽琴

鍾云以幽涼起。以廣大終。琴理略盡。

颯颯微雨收。飜飜橡葉鳴。月沈亂峰西。寥落三四星。前溪忽調琴。隔林寒琤琤。聞彈正弄聲。不敢枕上聽。迴燭整頭簪。激泉立中庭。定步履齒深。兒禪日冥冥。微風吹衣襟。亦認宮徵聲。學道

三十年。未免憂死生。聞彈一夜中。會盡天地情。

○列仙文

大霞霏晨暉。元氣無常形。玄轡飛霄外。八景乘
高。清。手把玉皇袂。攜我晨中生。玄挺自嘉會。金
書拆華名。賢女密所妍。相期洛水駢。

○聽藍溪僧為元居士說維摩經

古樹少枝葉。真僧亦相依。山木自曲直。道人無
是非。鍾云死心亦復靈心手持維摩偈。心向居士歸。空景
忽開霽。雪花猶在衣。洗然水溪晝。寒物生光輝。

○上昭成閣不得於從姪僧悟空院嘆嗟

欲上千級閣。問天三四言。未盡數十登。心目風
浪翻。手手把驚魄。脚踏墜魂。却流至舊手。傍
掣猶欲奔。老病但自悲。古蠹木萬痕。老力安可
誇。秋海萍一根。孤叟何所歸。晝夜如黃昏。常恐
失好步。入彼市井門。結僧為親情。策竹為子孫。
此誠徒切切。此意空存存。一寸地上語。高天何
由聞。

鍾云高調氣悲。

○峽哀

上天。下天水。出地入地舟。石劍相劈斫。石波怒
蛟虬。花木疊宿春。風雪凝古秋。幽怪窟穴語。飛
聞。聆響流。沈哀日已暮。銜訴將何求。

○又

峽稜剗日月。日月多摧輝。物皆斜仄生。鳥亦斜
仄飛。潛石齒相鎖。沈魂招莫歸。恍惚清泉甲。斑
爛碧石衣。餓嘍潺湲號。涎似泓沐肥。峽春不可
遊。腥草生。微微。

○弔盧殷

登封草木深。登封道路微。日月不與光。莓苔空
生衣。可憐無子翁。虬蟬綠病肥。攣臥歲時長。漣
漣但幽噫。幽噫虎豹聞。此外相訪稀。至親唯有
詩。抱心死。有歸。河南韓先生。後君作。因依磨一
片。嵌巖書。千古光輝。譚云實實有以自負。不是空言。

李賀

鍾云長吉奇人不必言。有一種刻削處。元氣至此不復可言矣。亦言是不壽不

貴之相寧。不留元氣。寧不貴。不壽。而必不肯同人。不肯不傳者。此其最苦心處也。○譚云長吉詩在唐為聲實有從漢魏以上來者。人但以為言派耳。

○走馬引

我有辭鄉劍。玉鋒堪截雲。襄陽走馬客。意氣自生春。朝嫌劍花淨。暮嫌劍花冷。能持劍向人。不解持照身。

○申胡子感築歌 并序

申胡子朔客之蒼頭也。朔客李氏本亦世家子。得祀江夏王廟。當年踐履失序。送奉官北郡。自稱學長調短調。久未知名。今年四月。吾與對舍於長安崇義里。遂將衣質酒。命予合飲。氣熱杯闌。因謂吾曰。李長吉爾。徒能長調。不能作五字歌詩。直強迴筆端。與陶謝詩勢相遠幾里。吾對後請撰申胡子感築歌。以五字斷句。歌成。左右人合謀相唱。朔客大喜。擎觴起立。命花娘出幕。徘徊拜客。吾問所宜稱。

善平弄。於是。以弊辭配聲。與予為壽。
 顏熱感君酒。含嚼。蘆中聲。花娘。簪綬妥。休睡。芙蓉屏。誰截。太平管。列鼎。排空星。直貫。開花風。天上。驅雲行。今夕。歲華落。令人。惜平生。心事。如波濤。中坐。時時驚。朔客。騎白馬。劍弔。懸蘭纓。俊健。如生猱。肯拾。蓬中螢。

感諷

合浦無明珠。龍陽有木奴。足知造化力。不給使君須。越婦未織作。吳蚕始蠕蠕。縣官騎馬來。襁

色虬紫鬚。懷中一方板。板上數行書。不因使君怒。焉得詣爾廬。越婦拜縣官。桑牙今尚小。會待春日晏。絲車方擲掉。越婦通言語。小姑具黃梁。縣官踏食去。簿吏復登堂。

又

星盡四方高。鍾云空迴奇語。似非長吉本。色然無此。又不能為長吉。萬物

知天曙。已生須。已養荷。擔出門去。君平久不反。康伯遁國路。曉思何澆澆。闐闐千人語。

高平縣東私路

侵侵榭葉香。木花滯寒雨。今夕山上秋。永謝無人處。石磯遠荒澀。棠實懸辛苦。古者定幽尋。呼君作私路。鍾云呼君二字妙甚

○謠俗

上林胡蝶小。試伴漢家君。飛向南城去。誤落石榴裙。脉脉花滿樹。翩翩燕遶雲。出門不識路。羞問陌頭人。鍾云樂府妙

○春坊正字劍子歌

先輩匣中三尺水。曾入吳潭斬龍子。隙月斜明

胡露寒。練帶平鋪吹不起。蛟胎皮老蒺藜刺。鸕

鶩泮花白鷗尾。直是荆軻一片心。鍾云七字何等處留心

莫教照見春坊字。接絲團金懸麗

殺神光。欲截藍田玉。提出西方白帝驚。嗷嗷鬼

母秋郊哭。

○唐兒歌

頭玉硯。硯硯眉刷翠。杜郎生得真男子。骨重神寒

天廟器。鍾云骨重神寒四字。長吉自評其人其詩。一雙瞳人剪秋水。

竹馬梢梢搖綠尾。銀鸞睨光踏半臂。東家嬌娘

求對值。濃笑書空作。唐字鍾云幽情幽語。眼大心雄知所以。莫忘作歌人。姓李。

○金銅仙人辭漢歌

茂陵劉郎秋風客。夜聞馬嘶曉無跡。譚云畫欄

桂樹懸秋香。三十六宮土花碧。魏官牽車指千

里。東關酸風射眸子。空將漢月出宮門。憶君清

淚如鉛水。衰蘭送客咸陽道。天若有情天亦老。

鍾云詞家妙語。攜盤獨出月荒涼。渭城已遠波聲小。

○後園鑿井

井上轆轤牀上轉。水聲繁。絃聲淺。情若何。苟奉
倩。城頭日長向城頭住。一日作千年。不須流下
去。

○秦宮詩 并序

漢秦宮將軍梁冀之嬖奴也。秦宮得寵內舍。故以驕名大譟於人。予撫舊而作長辭。辭以爲千都之事。相爲對望。又云昔有之詩。

越羅衫袂迎春風。玉刻麒麟腰帶紅。樓頭曲宴
仙人語。帳底吹笙香霧濃。人間酒煖春茫茫。花

枝入簾白日長。飛牕複道傳籌飲。十夜銅盤膩
燭黃。禿襟小袖調鸚鵡。紫燕麻霞踏哮虎。斫桂
燒金待晚筵。白鹿青酥夜半煮。桐英永巷騎新
馬。內屋深屏生色畫。開門門爛用水衡錢。卷起黃
河向身瀉。皇天厄運猶曾裂。秦宮一生花底活。
篋奪得不還人。醉睡氈毼滿堂月。
○古鄴城童子謠。効王粲刺曹操。
鄴城中暮塵起。探黑丸斫文吏。棘為鞭。虎為馬。
團團走鄴城下。切玉劍射日。彗獻何人奉相公。

扶藪來關右。兒香掃塗相公歸。

○苦書短

鍾云放言無理。胷中却有故。

飛光飛光。勸爾一杯酒。吾不識青天高。黃地厚。
唯見月寒日煖。來煎人壽。食熊則肥。食蛙則瘦。
神君何在。太乙安有。天東有若木。下置銜燭龍。
吾將斬龍足。嚼龍肉。使之朝不得回。夜不得伏。
自然老者不死。少者不哭。
鍾云自然二字。諛得妙甚。何為餌
黃金。吞白玉。誰是任公子。雲中騎碧驢。劉徹茂

陵多滯骨。羸政碎棺費鮑魚。

崑崙使者

崑崙使者無消息。茂陵煙樹生愁色。金盤玉露自淋漓。元氣茫茫收不得。麒麟背上石文裂。虬龍鱗下紅肢折。何處偏傷萬國心。中天夜久高明月。

美人梳頭歌

西施曉夢綃帳寒。香鬟墮髻半沈檀。轆轤咿啞轉鳴玉。驚起芙蓉睡新足。雙鸞開鏡秋水光。解

鬟臨鏡立象床。一編香絲雲撒地。玉釵落處無聲膩。纖手却盤老鴉色。翠滑寶釵簪不得。春風懶熨惱嬌慵。十八鬟多無氣力。妝成髮鬢歛不斜。雲裙數步踏鴈沙。背人不語向何處。下階自折櫻桃花。

鍾云。嬾靜而搖曳。美人妙手。

昌谷北園新笋

斫取青光寫楚辭。膩香春粉黑離離。無情有恨何人見。露壓煙啼千萬枝。

楊衡

宿雲溪觀賦得秋燈引送客

鍾云短歌微吟不能長此詩有之。○又

云此君初唐人詳此詩者體過於清急

似是中唐佳境姑存於此

雲房寄宿秋夜客鍾云三字一燈熒熒照虛壁

蟲聲呼客客未眠幾人語話清景側不可離別

愁紛多秋燈秋燈柰別何譚云不盡

唐詩歸第三十一卷終

唐詩歸第三十二卷目錄

中唐八

張祐

登廣武原

江西道中作

題萬道人

禪房

題松汀驛

題餘杭縣

龍泉觀

周賀

宿招山畫公禪堂

杪秋登江

樓

出關後寄賈島

送石協律歸吳

晚題江館

宿隱靜寺上方

竇庠

于闐鐘歌

竇鞏

新營別墅寄兄

張建封

秋夜曲

王涯

閨人贈遠

又

皎然

茗溪草堂自大曆三年夏新營泊秋及春

彌覺境勝紀事簡潘丞述湯評事衡

四十三韻奉陪陸使君長源裴端公

樞春遊東西武丘寺雜言往丹

陽尋陸處士不遇觀李中丞

洪二美人唱歌軋箏歌秋宵書事

寄吳馮酬秦山人系題贈

奉酬顏使君真卿見過郭中寺寺無山水
之賞故予述其意以答焉 酬烏程楊

明府華雨後小亭對月見呈

獨遊 遊溪寺待月 晦夜李侍

御萼宅集招潘述湯衡海上人飲茶賦

寄昱上人上方居 啼猿送客

尋陸鴻漸不遇 懷舊山

雜言送皇甫侍御曾 五言建元

寺畫公與崔秀才見過聯句與郭奉禮

說同作 五言與崔子向泛舟自招

橋經箬里宿天居寺憶李侍御萼渚山

春遊後期不及聯一十六韻以寄之

七言與李司直令從荻塘聯句一首

僧無可

遊山寺 寄華州馬戴 寄青龍寺

原上人 秋寄從兄賈島

秋日寄厲玄先輩 題青龍寺

縱公房 贈圭峯禪師 金州別合姚

夏日送崔秀才領主峯縣
又
送韓校書赴江西

僧靈一
入
煉香
只買島

溪行即事
送皇甫將赴無錫雲門別

僧法振

疾愈寄友人直陳九溪中
草
月夜泛舟

靈澈
春
賦
不
又
柳
一
十六
賦
以
寄
文

華頂
蘇
淡
聖
帝
天
賦
古
賦
李
詩
嶗
華
嶽
山

釋清江
同
卦
正
言
與
巽
千
向
文
自
味

送贊律師歸嵩山

劉采春

囉噴曲

虎丘鬼

大曆十三年虎丘寺石壁鬼詩

無名氏

秦家行

濡口女郎

感懷詩

唐詩歸第三十二卷目錄

陸采春

聖德黃曲

張直叙

僧大德十三平流立寺不坐取論

無名氏

僧深定

謝以文

唐詩歸第三十二卷

中唐八

張祐

○登廣武原

景陵

鍾惺伯敬

譚元春友夏

同選定

廣武原西北華夷此浩然鍾云曠地盤而渾地盤出入海
河遶國連天遠樹千門邑高檣萬里船鄉心日
云暮猶在楚城邊

○江西道中作

西江江上月。遠遠照征衣。夜色草中網。秋聲林外機。渚田牛路熟。石岸客船稀。無復是鄉井。鷓鴣聊自飛。鍾云悲澹之極

○題萬道人禪房

何處鑿禪壁。西南江上峰。殘陽過遠水。落葉滿疎鐘。世事靜中去。道心塵外逢。鍾云二語之妙全在去字逢字落得無痕。欲知情不動。床下虎留踪。

○題松汀驛

山色遠含空。蒼茫澤國東。海明先見日。江白迥聞風。鳥道高原去。人烟小徑通。那知舊遺逸。不在五湖中。

○題餘杭縣龍泉觀

四迴山一面。臺殿已嵯峨。中路見山遠。上方行石多。天晴花氣漫。地煖鳥音和。徒漱葛仙井。此生其柰何。

周賀

鍾云賀詩清奧。有異氣。有孤響。與僧清

塞蓋一人也。今合之。

宿招山畫公禪堂

從作兩河客。別離經半年。却來峯頂宿。知廢井南禪。積靄沉斜月。孤燈照落泉。何當開事盡。相伴老溪邊。

杪秋登江樓

平楚超寒色。鍾云超字甚奇。甚真。人用不得。長沙猶未還。世情何處淡。湘水向人閒。空翠隱高鳥。夕陽歸遠山。孤雲萬餘里。惆悵洞庭間。

出關後寄賈島

故國知何處。西風已度關。歸人值落葉。遠路人寒山。多難喜相識。久貧寧自閒。唯將往來信。遙慰別離顏。

送石協律歸吳

僧窻夢後憶歸耕。水涉應多半月程。幕府罷來無藥價。紗巾戴去有山情。夜隨淨渚離蛩語。早過寒潮背井行。鍾云靜景中。生出情感。已讓辟書稱抱疾。

滄洲便許白髭生。

○晚題江館

鍾云清傲。可避七言律熟徑。

病寄曲江居帶城。傍門孤柳一蟬鳴。澄江月上見魚擲。晚徑葉多聞犬行。越島夜無侵閣色。寺鍾涼有隔原聲。故園盡賣休歸去。潮水秋來空自平。

○宿隱靜寺上方

一宿五峰杯渡寺。虛廊中夜磬聲分。疎林未落上方月。深澗忽生平地雲。幽鳥背泉栖靜境。鍾

此七字。人知其境之幽。遠人當燭想遺文。暫來靜不知其意之曲折。

此地歇勞足。望斷故山滄海濱。

竇庠

○于闐鐘歌 送靈澈上人歸越

靈嘉寺鐘按越中記。此鐘本于闐國寺鐘。因風雨失鐘所在。有天竺僧過于闐。識此鐘于越靈嘉寺。至今鑲在寺樓。

海中有國傾神功。烹金化成九乳鐘。精氣激射聲冲融。護持海底諸魚龍。聲有感神無友。連天

雲水無津梁。不知飛在靈嘉寺。一國之人皆若
 狂。東南之美天下傳。環文萬狀無雕鐫。有靈飛
 動不敢懸。鑲在危樓五百年。有時清秋日正中。
 繁霜滿地天無風。一聲洞澈八音盡。萬籟悄然
 星漢空。徒言凡質千鈞重。一夫之力能振動。大
 鳴小鳴須在君。不擊不考終不聞。高僧訪古稽
 山曲。終日賞之言不足。手提文鋒百鍊成。恐刺
 此鐘無一聲。鍾云
禪偈

寶華

○新營別墅寄兄

懶性如今成野人。行藏由興不由身。

鍾云大力。不似作絕

語中

莫驚此度歸來晚。買得山居正值春。

張建封

○秋夜曲二首

丁丁漏水夜何長。漫漫輕雲露月光。秋逼暗蟲

通夕響。

譚云七字淒苦。入口自知。

寒衣未寄。莫飛霜。

譚云橫而然。

○又

佳魄初生秋露微。輕羅已薄未更衣。銀箏夜久

殷勤弄心怯空房不忍歸鍾云生

王涯

聞人贈遠

遠成功名薄鍾云悔教夫婿覓幽閨年貌傷

成對春澍鍾云不消不語淚千行春樹是實境

粧成卷簾坐是虛境虛實各極縹緲

又

啼鶯綠樹深語燕雕梁晚不省出門行沙場知

近遠

○又

形影一朝別煙波千里分君看君處鍾云五字委曲

祇是起行雲

皎然

鍾云僧詩有僧詩氣習僧而必不作僧

詩便有不作僧詩氣習皎然清淳淹遠

當於詩中求之不當於僧中求之

○茗溪草堂自大曆三年夏新營泊秋及春

彌覺境勝紀其事簡潘丞述湯評事衡四

十三韻

鍾云長詩意象靜深而色味芳潔法變氣老猶有盛唐人風蘊

萬慮皆可遺愛山情不易自從東溪住始與人羣隔應物非宿心遺身是吾策先民崆峒子淪景事金液綺里猶近名於陵未收跡吾師逆流教禪隱殊古昔洗足臨潺湲銷聲寄松栢鍾云之緇荷採堪服柔草持可席道心制野猿法語授幽客境淨萬象真寄目皆有益原上無情花

山中聽經石竹生自蕭散雲性常潔白却見羈世人遠高摩霄翮達賢觀此意煩想遂冰蘖伊予戰苦勝覽境情不溺智以動念昏功由無心積形骸爾何有生歿誰所戚為與勝悟冥不憂頽齡迫春風自駘蕩禪地長閭寂擲札成柳枝漑甌養泉脈道人知止足盥漱聊自適學外見古賢鍾云神明高曠之言頗令我心惕眇綿雲官世夢幻羽陵籍鬼錄徒相矜九原誰家宅俗情封淺近至理昧堯跖蹈善嗟沉冥履仁傷墮阮匠心聖

遠客殊未歸。我來幾惆悵。叩關一日不見人。繞屋寒花笑相向。寒花寂寂遍荒阡。柳色蕭蕭愁暮蟬。行人無數不相識。獨立雲陽古驛邊。鳳翅山中思本寺。魚竿村口望歸船。歸船不見見寒烟。離心遠水共悠然。他日相期那可定。閒僧着處卽經年。

○觀李中丞洪二美人唱歌軋箏歌

君家雙美姬。善歌工箏人莫知。軋用蜀竹絃。楚絲清哇宛。轉聲相隨。夜靜酒闌佳月前。高張水

引何淵淵美人矜名曲不誤

譚云文士亦感響不可無此念

時時如迸泉。趙琴素所嘉。齊謳世稱絕。箏歌一

動凡音輟。凝絃且莫停。金罍滛聲已闕。雅聲來

游魚噉。喁鶴徘徊。主人高情始爲開。高情放浪

出常格。偶世有名道無跡。勲業先登上將科。文

章已冠諸人籍。每笑石崇無道情。輕身重色禍

亦成。

鍾云此下一段就事規美。慈悲方便。自是有道高僧之言。

君有佳人當

禪伴。於中不廢學無生。

譚云轉關最妙

愛君天然性寡

欲。家貧祿薄常知足。謫官無愠如古人。交道忘

言比前躅不意全家萬里來湖中再見春山綠
吳興公舍幽且閒何妨寄隱在其間時議名齊
謝太傅更有携妓似東山

○○秋宵書事寄吳馮

鍾云曾中妙氣成片裏出語景之妙不
足以言之

真性在方丈寂寥無四隣秋天月色正鍾云正字難解

一經拈出便覺移清夜道心真大夢觀前事淨

不動此詩中神境無間之語名悟此身不知庭樹意榮落感何人

○酬秦山人系題贈

出齋步松影手自開禪扉花滿不汗地雲多從

觸衣思山石蘚淨擬客露葵肥果得宗居士論

心到極微

鍾云高閒靜遠

○奉酬顏使君真卿見過郭中寺寺無山水

外之賞故予述其意以荅焉不因雨留來風

州西柳家寺禪舍隱人間證性輕觀水栖心不

買山履聲知客貴雲影悟身閒彥會前賢事方

今可得攀

○酬烏程楊明府華雨後小亭對月見呈

夜涼喜無訟。霽色搖閒情。暑退不因雨。陶家風自清。凝絃停片景。發詠靜秋聲。何事禪中隱。詩題忽記名。

○獨遊

臨水興不盡。虛舟可同嬉。還雲與歸鳥。若共山僧期。世事吾不預。此心誰得知。西峯有禪老。應

見獨游時。

鍾云見字幽甚

○游溪寺待月

溪色思泛月。泓洄欲未歸。殘燈逢水店。疎磬憶山扉。夜浦魚驚少。空林鵲遠稀。可中纔望見。撩亂禱寒衣。

○晦夜李侍御萼宅集招潘述湯衡海上人

飲茶賦

晦夜不生月。琴軒猶為開。

鍾云幽情高。典言外可想。

牆東隱

者在淇上逸。僧來茗愛傳。花飲詩看卷。素裁風流高。此會曉景屢徘徊。

○寄昱上人上方屋

厭向人間住。逢山欲懶歸。片雲開似我。日日在禪扉。地靜松陰遍。門空鳥語稀。夜涼疎磬盡。師友自相依。

○啼猿送客

萬里巴江水。三聲月峽深。何年有此路。鍾云問無幾客共沾襟。斷壁分垂影。流泉入苦吟。淒涼離別後。聞此更傷心。

○送陸鴻漸不遇

移家雖帶郭。野徑入桑麻。近種籬邊菊。秋來未著花。鍾云不遇之妙在此。叩門無犬吠。欲去問西家。報道山中去。歸來每日斜。

懷舊山

一坐西林寺。從來未下山。不因尋長者。無事到人間。宿雨愁為客。寒花咲未還。空懷舊山月。童子念經閒。

○雜言重送皇甫侍御曾

人獨歸。日將暮。孤帆帶孤嶼。遠水連遠樹。難作

別時路。

○五言建元寺畫公與崔秀才見過聯句與

鄭奉禮說同作

人閒宜歲晚。道者訪幽期。獨與寒山別。行當暮

雪時。皇甫栢臺辭漢主。竹寺寄潛師。荷策知君

待。開門笑我遲。書暮塔縣雨足。寒吹繞松枝。理

辨塵心安。經分梵字疑。鄭久承黃紙詔。曾賦碧

雲詩。然諾驚相許。風流話所思。崔子空忘

默。聲發夜何其。願結求羊侶。名山從所之。曾

○五言與崔子向泛舟自招橘經箬里宿天

居寺憶李侍御萼渚山春遊後期不及聯

不賦一十六韻以寄之

晴日春態深。寄遊恣所適。書寧妨花木亂。轉學

心耳寂。耐取性憐鶴。高謀閒任山僻。書倚絃息

空曲。捨屨行淺磧。子渚箬入里逢。野梅到村摘。

書碑殘飛雉嶺。井翳潛龍宅。子壞寺隣壽陵。古

壇留劫石。書穿塔筍節露。拂瓦松梢碧。子天界

細雲還。墻陰雜英積。書懸燈繼前焰。遙月昇圓

魄向子何意清夜期。坐為高峯隔。書茗園可交袂。

藤潤好停錫。向子微雨聽濕巾。迸流從點席。書戲

猿隔枝透。驚鹿逢人擲。向子覩物賞已奇。感時思

彌極。書芳菲如馳箭。望望共君惜。向子

。七言與李司直令從荻塘聯句一首

畫舸悠悠荻塘路。真僧與我相隨去。寒花似菊

不知名。霜葉如楓是何樹。李令倦客經秋夜共

歸。情多語盡明相顧。遙城候騎來仍少。傍嶺哀

猿發無數。書心閒清淨聞禪寂。興逸縱橫問章

句。虫聲切切草間悲。螢影紛紛月前度。令撩亂

雲峯好賦詩。嬋娟水月堪為喻。與君出處本不

同。從此還依舊山住。書

鍾云每讀唐人聯詩警句。歎唐詩佳而

不得傳後者何限。

僧無可水遊山寺

千峯路盤盡。林寺昔何名。步步入山影。房房聞

水聲。多年人跡斷。殘照石陰清。自可求居止。安

唐詩歸三卷一皎然八

閑過此生。

○寄華州馬戴

三峯待秋上。鳥外掛衣巾。猶見無窮景。應非暫住身。鍾云遠想水寒仙掌路。山遠華陽人。欲問壇邊月。尋思闕復新。

○寄青龍寺原上人

歛屨入寒竹。鍾云寫幽事入細畫安禪過漏聲。高杉殘子落。深井凍痕生。罷磬風枝動。懸燈雪屋明。何當招我宿。乘月上方行。

○秋寄從兄賈島

冥蟲喧暮色。默思坐西林。聽雨寒更徹。閑門落葉深。昔因京邑病。併起洞庭心。亦是吾兄事。遲廻共至今。

○秋日寄厲玄先輩

楊柳起秋色。故人猶未還。別離俱自老。少壯豈能閒。夜雨吟殘燭。秋城憶遠山。何當一相見。語默此林間。

○題青龍寺縱公房

從誰得法印，不離上方傳。夕磬城霜下，寒房竹
月圓。煙殘衰木畔，客住積雲邊。未隱滄洲去，時
來於此禪。

○贈圭峰禪師

絕壑禪床底，泉分落石層。霧交高頂草，雲隱下
方燈。朝滿傾心客，谿連學道僧。鍾云連字無謂而妙半旬
持一食，此事有誰能。

○金州別姚合

日日西亭上，春留到夏殘。言之離別易，勉以道

途難。

譚云高僧何當不具深情

山出一千里，溪行三百灘。松

間樓裏月，秋入五陵看。

○夏日送崔秀才

南方山水地，念子爲貧遊。縱是逢佳景，那能緩
旅愁。夕陽行遠道，煩暑在孤舟。莫向巴江過，猿
啼蹙淚流。

○又

蹙收丹陛跡，獨往亂山居。入雪知人遠，眠雲覺
俗虛。足垂巖頂石，纓濯洞中渠。只見僧酬答，新

歸絕壑書

○送韓校書赴江西

車馬東門別，揚帆過楚津。花繁期到幕，雪在已離秦。吟落江沙月，行飛驛騎塵。猿聲孤島雨，草色五湖春。折葦鳴風斫，遙煙起暮蘋。鄱江連郡府，高興寄何人。

僧靈一

○溪行即事

近夜山更碧，入林溪轉清。不知伏牛地，潭澗何

縱橫。曲岬烟初合，平湖月未生。孤舟屢失道，

聽秋泉聲。

鍾云不須作禪語。自是定慧中。有獲之言。

○酬皇甫冉將赴無錫雲門寄別

湖南通古寺，來往意無涯。欲識雲門路，千峰向若耶。春山子猷宅，古木謝敷家。自是長俱隱，那云相去賒。

僧法振

○疾愈寄友人

哀樂暗成疾，鍾云禪寂人靜中體貼。乃能入情之深如此。卧中芳月

僧無可

中唐八

十七

移西山有清士。孤嘯不可追。擣藥曙林靜。汲泉陰澗遲。微蹤與麋鹿。遠謝求羊知。

○陳九溪中草堂

溪草落濺濺。魚飛入稻田。鍾云奇境早寒臨洞月。輕

素卷簾烟。願憤題新句。簑衣象古賢。曙花開秀

色。三十六峰前。

○月夜泛舟

西塞長雲盡。南湖片月斜。漾舟人不見。卧入武

陵花。鍾云卧入二字其妙在目

靈澈

○華頂

鍾云極深。極廣。極孤。極高。二十字中。抵

一篇大遊記。

天臺眾峰外。華頂當其空。有時半不見。崔嵬在

雲中。

僧清江

○送贊律師歸嵩山

禪客歸山意。山瀾定易安。清貧脩道苦。孝友別

家難雲路尋溪轉。花宮映嶽看。到時松塔暮。松月向人寒。

劉采春

○囉嘖曲

莫作商人婦。金釵當上錢。朝朝江口望。錯認幾人船。

虎丘鬼

○大曆十三年虎丘寺石壁鬼詩

神仙不可學。形化空遊魂。白日非我朝。譚云青

松為我門

鍾云陸士衡陶淵明輓歌說不到此雖復隔幽壟。猶知

念子孫

譚云苦趣在此何以遣悲怨。萬物歸其根。鍾云此此

復寄言世上人。莫厭臨芳樽。莊生問枯骨。王樂

復虛言

鍾云此詩出於大曆。其語氣幽厚。決是唐以前高手。

無名氏

○秦家行

鍾云垂戒千古之言。

唐詩歸三十一卷
劉采春 虎丘鬼 無名氏 潘口女郎

慧字飛光照天地。九天九裂屯冤氣。六聲聲。
怨。趙高。宮花滴盡扶蘇淚。禍起蕭牆不知戢。羽
書催築長城急。劍上忠臣血未乾。沛公已向函
關入。

濡口女郎

○感懷詩

海門連洞庭。每去三千里。十載一歸來。辛苦瀟

湘水。鍾云五字好。

唐詩歸第三十二卷終

